

## ხელშეკრულება 425/06

გამარტივებული შესყიდვის საშუალებით სახელმწიფო შესყიდვის განხორციელების შესახებ  
ქ. თბილისი 13 ივნისი 2012 წელი

ერთის მხრივ, ივანე ჯავახიშვილის სახელობის თბილისის სახელმწიფო უნივერსიტეტი წარმოდგენილი მისი აღმინსტრაციის ხელმძღვანელის დავით ჩომახიძის სახით (შემდგომში „შემსყიდველი“), და მეორეს მხრივ, შ.პ.ს „სწავლების ცენტრი“ წარმოდგენილი დირექტორის ქეთევან ქინქლაძეს სახით (შემდგომში „მიმწოდებელი“), დებენ წინამდებარე ხელშეკრულებას შემდეგზე:

### 1. ხელშეკრულების საგანი

1.1. ხელშეკრულების საგანია საქართველოს კანონმდებლობის შესაბამისად გამარტივებული შესყიდვის საშუალებით ეკონომიკური საქმიანობიდან მიღებული შემოსავლების დაფინანსების ფარგლებში, „გამარტივებული შესყიდვის, გამარტივებული ელ. ტენდერისა და ელ. ტენდერის ჩატარების წესის დამტკიცების შესახებ, სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების მე-3 მუხლის მე-2 პუნქტის „ვ“ ქვეპუნქტის შესაბამისად თსუ სტუდენტური თვითმმართველობის და ევროპის ახალგაზრდული პარლამენტის ქართული წარმომადგენლობის მიერ ორგანიზებულ ევროპის ახალგაზრდული პარლამენტის საერთო კრებასთან დაკავშირებით სასტუმრო მომსახურების (წარმომადგენლობითი ხარჯი CPV:55100000) შესყიდვა.

### 2. ხელშეკრულების ღირებულება

2.1. შესყიდვის მოცულობა და ღირებულება:

| დასახელება                               | რაოდენობა      | დღე | ერთეულის ღირებულება | საერთო ღირებულება |
|--|----------------|-----|---------------------|-------------------|
| სასტუმრო მომსახურება<br>სამჯერადი კვებით | 100<br>პერსონა | 3   | 31.9                | 9570              |

2.2. შესყიდვის ობიექტის სრული ღირებულება საქართველოს კანონმდებლობით დადგენილი ყველა გადასახადის გათვალისწინებით შეადგენს: 9,570.00 ქართული ლარი (ცხრა ათას ხუთასსამოცდაათი ლარი და 00 თეთრი)

### 3. ხელშეკრულების კონტროლი

- 3.1. ხელშეკრულების კონტროლს ახორციელებს ა(ა)იპ ივ. ჯავახიშვილის სახელობის თბილისის სახელმწიფო უნივერსიტეტის პროფილური სტრუქტურული ერთეული.
- 3.2. ინსპექტირება გულისხმობს ხელშეკრულების პირობების შესრულების, აგრეთვე მიწოდებული შესყიდვის ობიექტის მოცულობის და ხარისხის კონტროლს.
- 3.3. მომსახურების გაწევისას გამოვლენილი დეფექტის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

### 4. ანგარიშსწორების ფორმა, ვადები და ადგილი

- 4.1. გაწეული მომსახურების ღირებულების ანაზღაურება მოხდება უნაღლო ანგარიშსწორების წესით ეროვნულ ვალუტაში (მიმწოდებლის საბანკო ანგარიშზე).
- 4.2. ანგარიშსწორება იწარმოებს შემსყიდველსა და მიმწოდებელს შორის გაფორმებული შესყიდვის ობიექტის მიღება-ჩაბარების - აქტის (მიღება - ჩაბარების აქტის ფორმა თან ერთვის), მიმწოდებლის მიერ წარმოდგენილი საგადასახადო ანგარიშ-ფაქტურის საფუძველზე, ზემოაღნიშნული დოკუმენტების სრულყოფილი სახით გაფორმებისა და ა(ა)იპ ივ. ჯავახიშვილის სახელობის თბილისის სახელმწიფო უნივერსიტეტის პროფილური სტრუქტურული ერთეულის დადებითი დასკვნის წარმოდგენის შემდეგ 45 (ორმოცდახუთი) კალენდარული დღის განმავლობაში.

### 5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება-ჩაბარება განხორციელდება ერთჯერადად, მომსახურების სრული მოცულობით მიწოდების შემდეგ, წინამდებარე ხელშეკრულების 3.1 პუნქტით განსაზღვრული პროფილური სტრუქტურული ერთეულის დადებითი დასკვნის საფუძველზე მხარეთა შორის გაფორმებული მიღება-ჩაბარების აქტით.

### 6. შესყიდვის ობიექტის მიწოდების ვადა, ადგილი და პირობები

- 6.1. მიმწოდებელი შესყიდვის ობიექტის მიწოდებას განახორციელებს შემდეგ მისამართზე: ლუშეთის რაიონი რადიო სადგურის დასახლება.
- 6.2. მომსახურების გაწევის ვადაა 2012 წლის 14--16 ივნისი.

## 7. შესყიდვის ობიექტის ხარისხი

7.1. შესყიდვის ობიექტის ხარისხი უნდა შეესაბამებოდეს შემსყიდველი ორგანიზაციის მიერ წაყენებულ მოთხოვნებს.

## 8. ხელშეკრულების პირობების შესრულება

8.1. თუ მიმწოდებელი არ ასრულებს ვალდებულებას ხელშეკრულებით გათვალისწინებულ ვადაში, ეკისრება პირგასამტეხლო სახელშეკრულებო ღირებულების 5 % ოდენობით.

8.2. თუ შემსყიდველი არ ასრულებს ხელშეკრულების 4.2. პუნქტით გათვალისწინებულ მოთხოვნებს, მიმწოდებელს უფლება აქვს დააკისროს მას პირგასამტეხლო ყოველი ვადაგადაცილებული დღისათვის ხელშეკრულების ღირებულების 0.1 % ოდენობით.

## 9. დაუძლეველი ძალა

9.1. მხარეები თავისუფლდებიან პასუხისმგებლობისაგან დაკისრებულ მოვალეობათა ნაწილობრივ ან სრულად შეუსრულებლობისთვის დაუძლეველი ძალის ზემოქმედებით გამოწვეული გარემოებების შემთხვევაში, ამ გარემოებათა არსებობის განმავლობაში.

9.2. დაუძლეველი ძალა გულისხმობს: ომსა და საბრძოლო მოქმედებებს, სტიქიურ უბედურებებს, ხანძარს, გაფიცვებს, სამოქალაქო არეულობას, საკანონმდებლო ცვლილებებს.

9.3. დაუძლეველი ძალის მოვლენის დადგომის შემთხვევაში მხარემ, რომლისთვისაც შეძლებელი ხდება ნაკისრი ვალდებულების შესრულება, დაუყოვნებლივ წერილობით მიმართავს მეორე მხარეს ამის შესახებ, თუ დაუძლეველი ძალის მოვლენა გაგრძელდა სამ თვეზე მეტ ხანს, მხარეებმა შეიძლება შეწყვიტონ ხელშეკრულების მოქმედება.

9.4. მხარე არ თავისუფლდება პირობებისაგან, თუ კი ფორს-მაჟორული მოვლენის დადგომა გამოწვეულია მისი ძალით, ან ნაკისრ ვალდებულებათა შესრულება შესაძლებელი იყო ასეთ გარემოებათა დადგომამდე განსაზღვრულ ვადებში.

## 10. მხარეთა უფლება-მოვალეობანი

10.1. შემსყიდველი და მიმწოდებელი იღებენ ურთიერთვალდებულებას „სახელმწიფო შესყიდვების შესახებ“ საქართველოს კანონის სრული დაცვით.

10.2. შემსყიდველს უფლება აქვს:

10.2.1. მოსთხოვოს მიმწოდებელს ხელშეკრულებით გათვალისწინებული პირობების ზუსტი და განუხრელი შესრულება.

10.2.2. განახორციელოს კონტროლი და ზედამხედველობა ხელშეკრულებით გათვალისწინებული პირობების შესრულებაზე;

10.2.3. მოითხოვოს გამოვლენილი ხარვეზების აღმოფხვრა დამატებითი ანაზღაურების გარეშე;

10.3. შემსყიდველი ვალდებულია:

10.3.1. უზრუნველყოს შესყიდვის ობიექტის ღირებულების ღრთული გადახდა ხელშეკრულების 4.2. პუნქტის შესაბამისად.

10.4. მიმწოდებელი უფლებამოსილია:

10.4.1. მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებულ ვადებში,

10.4.2. მოსთხოვოს შემსყიდველს ხელშეკრულებით გათვალისწინებული პირობების ზუსტი და განუხრელი დაცვა.

10.5. მიმწოდებელი ვალდებულია უზრუნველყოს:

10.5.1. შესყიდვის ობიექტის განსაზღვრულ ადგილზე მიწოდება;

10.5.2. ხელშეკრულებით გათვალისწინებული ვადების დაცვა.

## 11. ხელშეკრულების შეწყვეტა

11.1. ხელშეკრულება შეიძლება შეწყდეს ერთ-ერთი მხარის ინიციატივით ურთიერთშეთანხმების საფუძველზე.

11.2. ხელშეკრულების შეწყვეტისას წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან მის შეწყვეტამდე.

## 12. ხელშეკრულების ძალაში შესვლისა და მოქმედების ვადა

12.1. ხელშეკრულება ძალაში შედის კანონმდებლობით დადგენილი წესით სათანადო რეგისტრაციის შემდეგ და მოქმედებს ხელმოწერ მხარეთა მიერ ნაკისრი ვალდებულებების ამოწურვამდე 2012 წლის 31 დეკემბრამდე.

## 13. დავები და მათი გადაწყვეტის წესი

13.1. ყველა დავა, რომელიც წარმოიშობა წინამდებარე ხელშეკრულებიდან, უნდა გადაწყდეს ურთიერთმოლაპარაკების გზით.

13.2. თუ მხარეები 10 კალენდარული დღის განმავლობაში ვერ მოილაპარაკებენ, მხარეს შეუძლია მიმართოს შესაბამის სასამართლოს საქართველოს კანონმდებლობით დადგენილი წესით.

**14. სხვა პირობები**

- 14.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით,
- 14.2. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას.
- 14.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.
- 14.4. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა.შ. თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება.
- 14.5. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.
- 14.6. ხელშეკრულება და მასთან დაკავშირებული ყველა მიმოწერა სრულდება ქართულ ენაზე.
- 14.7. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ წერილობითი ფორმით და ორმხრივი ხელმოწერით დადასტურების შემდეგ.
- 14.8. ხელშეკრულება შედგენილია სამი თანაბარი იურიდიული ძალის მქონე ეგზემპლარად. ერთი ეგზემპლარი ინახება - „მიმწოდებელთან“, ორი - „შემსყიდველთან“.

**15. მხარეთა რეკვიზიტები**


**შემსყიდველი**

ივ.ჯავახიშვილის სახელობის  
თბილისის სახელმწიფო უნივერსიტეტი  
მისამართი:  
თბილისი, ი. ჭავჭავაძის გამზ. 1  
საბანკო რეკვიზიტები:  
სს „რესპუბლიკა ბანკი“  
ა/ა N345634  
ბანკის კოდი : 220101757  
საიდენტიფიკაციო კოდი:  
204864548

**მიმწოდებელი**

შ.პ.ს სწავლების ცენტრი  
მისამართი:  
თბილისი, ბაქრაძის 4  
საბანკო რეკვიზიტები:  
სს „საქართველოს ბანკი“ ც/ფ  
ა/ა NGE83BG0000000205597800  
ბანკის კოდი: BAGAGE22  
საიდენტიფიკაციო კოდი:  
202398235

ადმინისტრაციის  
ხელმძღვანელი



/დ. ჩომახიძე/

შ.პ.ს სწავლების ცენტრი  
დირექტორი




ქეთევან ჟინქლაძე

# ინფორმაცია ინტერესთა კონფლიქტის შესახებ

13.06.2012წ.

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ ჩამოთვლილი თითოეული პირი ხელის მოწერით ადასტურებს, რომ იგი არ იმყოფება ინტერესთა კონფლიქტში შპს „სწავლების ცენტრი“-სთან.

თსუ ადმინისტრაციის ხელმძღვანელი



დ. ჩომახიძე

თსუ საფინანსო დეპარტამენტის უფროსი



ო. კალაშვილი

თსუ იურიდიული დეპარტამენტის უფროსი




ა. კიკულაევა

თსუ შესყიდვების განყოფილების უფროსი




ს. სანაძე

თსუ შესყიდვების განყოფილების კონსულტანტი



ჯ. ციციშვილი

თსუ სტუდენტური თვითმმართველობის პრეზიდენტი



გ. გუბაძე